



08765

薄海番域錄

蠻部二

本雲南山左武定郡大緯星巖氏述

疆宗部 在雲南澂江府河陽縣唐時麼些蠻居此號

烏蒙部

在雲南昭通府恩安縣唐時烏蒙蠻居此號

謀統部 在雲南麗江府鶴慶州唐太和中蒙勸封祐

落蘭部 在四川寧遠府越嶲廳蒙詔時落蘭部裔河

蠻部

都居此改號河都部

高明部 在雲南雲南府東北一百三十里高明州蒙

氏立高明部于此

河納部 在雲南曲靖府陸涼州南八十里蔡村蒙詔

時置陸郎縣後併于落温部

落温部 在雲南曲靖府陸涼州西昔落温部之地有

城名芳華

普麼部 在雲南曲靖府南本唐悅州後為蠻所據號

普麼部

普麼部

卷五



普里部

在貴州安順府唐時為羅甸國宋時為普里

部之地

磨彌部

在雲南曲靖府沾益州南昔磨彌部首蒙提

居此又名五勒部

師宗部

在雲南廣西州師宗縣宋時有師宗者居此

號師宗部

彌勒部

在雲南廣西州彌勒縣宋時柴麼徒蠻之裔

居此號彌勒部

烏撒部

在貴州大定府威寧州宋為烏撒部元改烏

蠻部

卷五

撒烏蒙宣慰司明改軍民府

烏蠻羅部

在雲南雲南府羅次縣唐時烏蠻羅部之

所居地

盧鹿蠻部

在雲南麗江府麗江縣唐時盧鹿蠻部之

所居地

蕃部

今四川雅州府舊管投降吐蕃部落七一吐蕃

籠官楊矣逢東君部落六十人在蠻宿州安置吐蕃

業城首領籠官劉矣本等部落在本部安置吐蕃會

野首領籠官高萬唐等部落在本部安置吐蕃通租

城首領龍官馬東煎部落在夏陽路安置吐蕃國師
馬定德並龍官馬德唐部落在欠馬州安置吐蕃嘉
靖州降戶首領龍官劉定部落在夏陽路安置吐蕃
崑龍首領鑠羅莽部落在和州安置已上七部落
其王帥等皆夷之雄者唐貞觀中投降又清溪縣舊
統制羅岩州等五十五州皆徼外生獠無州縣羈縻
而已蕃部蠻夷混襍之地元無市肆每漢人與蕃人
博易不使現錢漢用紬絹茶布蕃用紅椒塩馬之類
又陝西延安府靖邊縣自漢後河曲靈夏原等州有
契六州用華人爲刺史管之

狸獠

在廣西南寧府宣化縣邕州圖經狸獠有四色

語各別譯而方通又在州晉縣蠻歲時于石溪口通
商有馬會說文曰馬會今之獠布以竹灰爲鹽不事
五味又梧州府蒼梧縣地理志南越至寧新多狸獠
善爲犀渠左太冲所謂戶有犀渠又云陽夷之甲以
錫箔餽之雜以丹漆照輝昱昱左思所謂暘夷勃盧

蠻部

卷五

三

又鬱林州陸川縣其先有狸獠三種言語不通偶月
爲婚不知禮節

越雋獠

在四川寧遠府邛都縣本益州西南外獠秦

始通五尺道漢始立爲邛都國史記自滇以北君長
以十數邛都最大是也至武帝始誅且蘭邛君殺罕
侯而冉駹等皆震恐仍以邛都之地爲越雋郡以郡
有越雋水皆出生羌界故名後漢至宋晉皆因之不
朝貢十道志魏晉以還蠻獠恃險抄竊不服下叛至
齊夷長或來納款因爲越雋獠郡以統之俗尙骨卜

蠻部

卷五

四

刻木爲信火葬而樂送以鼓吹爲送終

綏山獠

在嘉州今四川嘉定府隋招慰生獠于此置

綏山縣今峩眉書武成曰庸蜀羌髻微盧彭濮人孔
安國注八國皆蠻夷戎狄國名羌在西蜀髻微皆在
巴蜀今府民與夷獠錯居華人其風尙侈其俗好文
夷人椎髮跣足短衣衽酷信鬼神以竹木爲樓居不
知禮義法律不能拘

邛州獠

今四川邛州夷獠相襍愈于諸郡悉以石爲

樓蓋李雄據蜀李壽從并柯引獠入蜀境自象山以

北盡爲獠居臨邛舊縣因茲置

普州獠

今四川潼川府安岳縣李雄亂後爲獠所據

梁置普慈郡于此賜羣獠金券縷書其文云今爲汝
置普慈郡可率蜀子弟奉官租以時輸送

費州獠

在費州今貴州平越州餘慶縣江山阻遠久

不臣服後周宣政元年信州總管龍門公裕王述招
慰生獠王元殊等多歸國遂肇立爲費州因州界費
水立郡名九州要記九邱之外有費州是也

瀘州獠

今四川瀘州春秋戰國時爲巴子國地無桑

蠻部

卷五

五

麻每歲畝田刀耕火種其夷獠則與漢不同性各獠
戾而又好淫祠巢居岩谷因險憑高着斑布擊銅鼓
弄鞘刀男則露髮跣足女則椎髻橫居夫亡婦不歸
家塋之崖穴刻木爲契刺血爲信啣冤則累代相耐
乏用則鬻賣男女其習俗如此

巴州獠

今四川保寧府巴州按四夷縣道記至李特

孫壽時有羣獠十餘萬從南越入蜀漢間散居山谷
因流布在此地後遂爲獠所據歷代羈縻不置郡縣
至宋乃于蜀嶺南置歸化北水二縣以領獠戶歸化

郡即今理是也

鄰山獠

在渠州鄰山縣今四川綏定府大竹自晉至齊並爲夷獠所居梁大同三年于此置鄰州

昌州獠

在昌州今四川重慶府葉昌無夏風有獠風悉住叢箐懸虛構屋號閣蘭男即蓬頭跣足女即椎髻穿耳以生處山水爲姓名以殺爲能事父母喪不立几筵唐乾元元年置昌州二年狂賊張朝等作亂爲兵火所廢大歷十年復置以鎮壓夷獠

思州獠

在思州今貴州思南府在荒徼之外蠻獠襍

蠻部

卷五

六

居言語各異羅多者獠之姓名唐開元四年招集生夷獠置思邛縣今印江

賓化獠

在四川重慶府南川縣按新圖經此縣民並是夷獠露頂跣足不識州縣不會文法與諸縣戶口不同不務蠶桑以茶蠟供輸

戎州獠

在戎州今四川敘州府其土有四族黎劄虞牟夷夏裸居風俗各異其蠻獠之類不識文字不知禮教言語不通嗜欲不同椎髻跣足鑿齒穿耳衣緋布羊皮蒺草以神鬼爲徵驗以殺傷爲戲笑少壯爲

上衰老爲下男女無別山岡是居

榮州獠

在榮州今四川嘉定府榮縣夏人少蠻獠多

男不巾櫛女衣斑布姓名顛倒不知禮法

彭昏獠

在陵州始建縣今四川資州井研縣有彭昏

山寰宇記彭昏獠之姓也

渝州獠

在渝州今四川重慶府巴縣大凡蜀人風俗

一同然邊蠻界鄉村有獠戶即異也鄉俗構屋高樹謂之閣蘭不解絲竹惟吹銅鼓視木葉以別四時父子同諱夫妻共名祀鬼以祈福也

蠻部

卷五

七

忠州獠

今四川忠州夷獠頗類黔中正月三日拜墳

墓二月二日挾酒郊外迎富除夕燃燈照先祖墓

雅州獠

今四川雅州府與邛州同邛雅之夷獠婦人

娠七月而產產畢置兒向水中浮者取養沉者棄之千百無一沉者長則拔去上齒加狗牙各以爲華飾今有四牙長于諸牙而唇高者別是一種能食人無長齒者不能食俗言妖巫擊銅鼓祈禱至今蘆山縣新安鄉五百餘戶即其遺人也按獠蓋南蠻之別種也初出自梁益之間自漢中達於邛笮川洞之間所

在皆有自漢中西南及越嶲以東皆有之俗多不辨
姓氏又無名字往往推一首長爲主亦不能遠相統
攝父死則子繼若國之貴族也獠王各有鼓角一雙
使其子弟自吹擊之按蜀本無獠李勢時諸獠始出
巴西州廣漢陽安資中犍爲梓潼布出山谷十餘萬
落攻破郡縣爲益州大患自桓元子破蜀之後力不
能制又蜀人東流山險之地多空獠遂挾山傍谷與
夏人參居參居者頗輸租稅賦在深山者仍不爲編
戶至梁武帝梁益二州即漢川蜀川二郡縣歲歲伐

獠以自裨潤公私頗藉爲利後魏正始初使邢巒爲
梁益二州刺史以鎮之後又立巴州以統諸獠又立
隆城鎮在管獠二十萬戶所謂北獠是也魏明帝時
據城叛梁益二州討之攻陷巴州執其刺史酋帥嚴
始興斬之後入梁自此又屬梁矣後周武帝平梁益
之後達奚武平梁尉遲迥平益今所在撫慰其輿華
人雜居者亦頗從賦役然天性多暴亂旋至擾動每
歲命隨近州鎮出兵討之獲其人以充賤役謂之壓
獠焉復有商旅往來者亦資獠爲貨公卿逮于庶民

之家有獠口者多矣然其種類滋蔓保據巖壑依林
走險若履平地性又無知殆同禽獸諸夷之中最難
以道義招懷也依樹積木以居其上名曰干欄好相
殺害多仇怨不敢遠行其丈夫稱阿暮阿段婦人阿
夷阿等之類皆以其語次第稱謂也性尤畏鬼俗尚

活祀

欽州徂

今廣東廉州府欽州不解言語交股椎髻食

用手搏水從鼻飲

娑莫酋

在雲南楚雄府定遠縣境高氏專大理國政

蠻部

卷五

九

時命娑莫酋徙民三百户于黃蓬穿

羅葵酋

在雲南武定州祿勸縣昔羅葵大酋居之有

城名易籠爲羣酋會集之所

無陽烏澣

在敘州無陽縣今湖南沅州府芷江荆州

記舞溪獠澣之類其縣人但羈縻而已溪山阻絕非
人跡所履又云無陽有詹辰新豐二縣其烏澣萬餘
家皆噉蛇鼠之肉能鼻飲

三梁烏澣

在廣西鬱林州陸川縣三梁故縣烏澣所

居俗云上梁烏澣即此地也毒露恒昏上饒瘴氣

黑爨濮蠻在雲南永昌府西南與哀牢地相接哀牢即

今保山縣山居耐勤苦其衣服婦人以一幅布爲裙

六里或以貫頭丈夫以穀皮爲衣爾雅南至濮鉛周書

王會篇卜人丹砂注云卜人西南之蠻夷丹砂所出

今按濮人即卜人也又南有赤口濮其俗折其齒劓

其唇使赤又露身無衣服又有折腰濮其俗于皆折

正儀其腰又有文面濮其俗劓面而以青蓋之

龐山洞在隴州今隴安南秦漢屬九真郡唐天寶元

年改日南郡舜典放驩兜于崇山即此也唐以後失

蠻部

卷五

十

之郡國志龐山洞人去其兩齒爲飾刻胸在花文山

中立帝五日一帝鑄銅爲器大如盤名旁旁爲財布

五谿聚 在渭州襄武縣今甘肅鞏昌府隴西春秋以

來羌戎襍居史記秦昭王伐義渠戎始置隴西郡郡

西不過一百里即先零遺種有五谿聚即楊盛分羌

爲部以五谿爲一聚于是有五谿之名

六里苗今湖南晃州廳雍正六年六里苗頑梗滋事

近在永算肘腋

上命鎮筸總兵周一德同辰沅道王柔進勦王議由上龍

潭進周公曰此地險固其苗素獷愚諭之未必聽攻之猝難下應由乾州之鴉溪進以計誘之餘刃自解議不合王仰攻上龍潭被拒敗回公引兵進鴉溪聞鴉溪有天王廟王爲楊姓兄弟三名應龍應虎應彪面分赤白黑苗人奉之謹過廟不敢仰視門常閉或數十年不一開椎牛歲祭皆設之門外公知苗之信鬼而不畏殺也乃遣健兒夜踰廟垣查視神狀及各儀物並言櫛後有三纛尙完公乃宣言天王見夢皆作何顏貌冠袍來稱

蠻部

卷五

十一

今天子聖德汪洋當領苗衆歸流賜公三纛有抗不服者勦滅之今遵神命擇吉入廟領纛出師苗首聞之皆來視至期關門苗首俱懼縮不敢進公獨步詣神前長揖訖復出喚苗首諭以無畏首始相隨至公命櫛後尋纛果捧以出擁之歸營苗衆驚服羣請挿血歸誠誓曰渝盟者發大頭天瘟死九十九代誓畢雜髮約易

本朝衣冠旌其酋以外委頂帶于是苗寨盡平前隸貴州今設廳改隸湖南

三驍

在湖南即三苗朱子謂苗當作猫與犵狁狒爲

四種溪洞之民其地當在衡州長沙之東袁州之西
一帶而辰州有五溪蠻沅州有黑白苗寶慶武岡所
在有獾皆三苗之種類也廣有蝨戶凡三種一魚蠻
二蠓蠻三木蠻涪陵又有獾蠻其流曰蝨曰獾曰狸
曰獠曰奄而粵西有狼有獾有猺瓊州又有黎人麻
陽蠻有犵狁沅靖貴州之蠻通謂之苗五溪蠻之父
名白犬乃人名好事者遂謂高辛氏以女妻犬誕已
龍戶驪家其人見水即知龍也馬人馬留乃馬援立

蠻部

卷五

十一

盤瓠

銅柱時所留住之種也

在長沙西南黔中五溪之地今湖南辰州府漢
黔中郡也所屬瀘溪縣西武山有盤瓠廟昔帝嚳時
患犬戎之寇乃募訪天下有能得犬戎之將吳將軍
頭者妻以少女時帝有畜犬名曰盤瓠啣吳將軍頭
而至帝乃以女配之盤瓠得女負走入南山今五溪
中山也止石穴中所處險絕生六男六女因自相夫
妻織績木皮染以草實好五色衣服裁製皆有尾形
衣裳斑斕言語侏離其後滋蔓號曰蠻夷有邑君長

名渠帥曰精夫相號媿徒所居皆深山重阻人跡罕到今長沙黔中五溪蠻是也按說文媿女人稱我也廩君種不知何代初有巴樊暉相鄭五姓皆出於武落鍾離山在峽州巴山縣今湖北宜昌府長陽其山有赤黑兩穴巴氏之子生於赤穴四姓之子皆生於黑穴未有君長共立巴氏之子務相是謂廩君從夷水下至塩陽廩君於是居平夷城四姓皆臣之今巴梁間諸巴氏皆是按後漢書云四姓之子未有君長俱事鬼神乃共擲劍於石穴中約能中者奉以

蠻部

卷五

十三

爲君務相乃獨中之又令各乘土船從夷水下至塩陽有塩水神謂廩君曰此地廣大魚塩所出願留共君廩君不許塩神暮輒來宿詰朝即化爲虫與諸虫羣飛掩蔽天光天地昏冥積十餘日廩君伺其便射殺之天乃開朗廩君于是居平夷城四姓皆臣之廩君死魂魄化爲白虎巴氏以虎飲人血故遂以人祀焉戰國時秦惠王并巴中以巴氏爲蠻夷君長漢建武初南郡涪山蠻雷遷等始反叛劉向討破之徙其種八七千餘口置江夏界其後沔中蠻是和帝時

巫蠻許聖等反叛靈帝時江夏蠻復反皆廩君之裔也按始生自武落鍾離山即夷陵屬邑之地散居巴梁間即古荆梁之境五姓雜居大約今爲巴峽巫夔四郡皆是也

古賓

在渠州流江縣今四川綏定府渠縣東北七十

四里有城石之賓國都也晉中興書賓者廩君之苗裔也巴氏之子務相乘土舟而浮衆異之立爲廩君子孫布列于巴中秦并天下以爲黔中郡薄其賦稅人出錢四十邑人謂賦爲賓因名從漢高祖平定天

蠻部

卷五

十四

下善歌舞所謂巴渝舞也

哀牢

今雲南永昌府保山縣後漢時通焉其先有婦

人名沙壹居于牢山嘗捕魚水中觸沉木若有感因孕十月生子男十人後沉木化爲龍出水上沙壹忽聞龍語曰若爲我生子今悉何在九子見龍皆走獨小子不能去背龍而坐龍因舐之其母烏語謂背爲九謂坐爲隆因名九隆後牢山有一夫一婦復生十女九隆兄弟娶以爲妻後漸相滋長種人皆畫其身像龍文衣皆着尾九隆死代代相繼乃分置小王徃

在邑居散在谿谷絕域荒外山川阻深生民以來未嘗通中國漢建武中其王賢栗等率種人戶二千七百五十詣越雋太守鄭鴻降求內附帝封賢栗等爲君長自是歲來朝九州記哀牢人皆僂耳穿鼻其渠帥自謂王者耳皆下肩三寸庶人則至肩而已

西爨

今雲南曲靖府南寧之渠帥也梁時通焉自云本河東安邑人七葉祖事晉爲南寧太守屬中國亂遂王蠻夷梁元帝時南寧刺史徐文盛徵詣荆州有爨瓚者遂據南寧之地延袤二千里俗多華人有震

蠻部

卷五

十五

翫統其衆隋開皇中遣使朝貢

尾濮

在興古郡今貴州興義府普安廳西南千五百里徼外又扶南土俗傳拘利東有蒲羅中人有尾長五六寸其俗食人按其地並西南蒲羅蓋尾濮之地名也

荪都

在四川雅州清溪縣漢時自越雋以東君長以十數荪都最大武帝開之立爲荪都縣元鼎六年以爲沈黎郡至天漢四年並蜀爲西部置兩都尉一居旄牛即清溪至徼外夷一居青衣今雅安至漢人

後漢益州刺史朱輔慷慨有大畧宣示漢德威遠懷
夷自汶山以西前代正朔所不加白狼盤木唐苻等
百有餘國戶百三十餘萬舉衆奉貢稱臣和帝時旌
牛徼外白狼樓薄蠻夷王唐緇等率種人十七萬口
內屬安帝時青衣道夷邑長令田吟與徼外三種夷
三十一萬口舉土內屬後旄牛夷叛張喬討平之于
是分置蜀郡

邛笮

在四川寧遠府越嶲廳自漢書以下至州郡圖
籍凡言笮者即此土夷人于天水之上置藤爲橋謂

蠻部

卷五

十六

之笮故曰邛笮自越嶲以東北君長以十數笮都最
大史記云司馬相如定西南夷橋孫水以通邛笮即
此

文狼

在峯州今隸安南秦漢屬象郡交趾郡唐以後

失之林邑記蒼梧以南有文狼人野居無室宅依樹
止宿漁食生肉採香爲業與人交市若土皇之民按
水經注即文郎馬神國近山以木爲城居民築室類
三佛齊五色布纏首腹背多裸下體以縵圍之人死
貯甕以葬入山深處有村名烏龍里彈其人盡生尾

逢人羞澁掩面欲避然地饒沙金番人携貨在市擊
小銅鼓爲號貨列地上却立山中人前視貨當意者
留金貨側持去或曰馬援遣兵流寓號馬留者殆其
苗裔云

泉卽

今福建泉州府州之夷戶也亦曰游艇子卽盧

循之餘晉末盧循寇暴爲劉裕所滅遺種逃散居
山海至今種類尙繁唐武德八年都督王義童遣使
招撫得其首領周造麥細陵等並授騎都尉令相統
攝不爲寇盜貞觀十年始輸半課其居止常在船上

蠻部

卷五

十七

兼廬海濱隨時移徙不常厥所船頭尾尖高當中平
澗衝波送浪都無畏懼名曰了鳥船

儋耳

在廣東瓊州府儋州山海經儋耳卽離耳也皆

鑊其頰皮上連耳片狀似雞腸下垂在海渚不食五
穀食蚌及蟹而已

亼黎

在廣東瓊州府儋州俗呼山嶺爲黎人所居號

曰生黎殺行人取齒牙貫之于頂以銜驍勇弓刀未
嘗離手弓以竹爲絃績木皮爲布尙文身富者文多
貧賤文少但看文字多少以別貴賤觀禽獸之產識

春秋之氣占諸芋之熟紀天文之歲又瓊州生黎無城郭殊異居非譯語難辨其言不知禮法須以威服巢居深洞積木皮爲布以木棉爲毳性好酒每醞釀用木皮草葉代麴蘖熟以竹筒吸之打鼓吹笙以爲樂男則鬚髮首挿梳帶人齒爲瓔飾好弓矢削竹爲箭簇銳而無羽女則文領穿耳垂環病無藥餌但烹羊犬祀神而已

麼些

在雲南麗江府夷人六種俱隸維西通判治一麼些即唐書所載麼些兵是也元籍麗江明萬歷開

蠻部

卷五

十八

麗江土知府木氏寢強日率麼些兵攻吐番地吐番建碉樓數百座以禦之維西之六邨喇普其宗及普康葉枝皆要害拒守尤固木氏以巨木作碓曳以擊礮稠悉崩遂取各要害地屠其民而徙麼些戍焉後漸蕃衍倚山而居覆板爲屋檐僅容人自建設流官俱極恭順畏法讀書識文字者有之

古宗

在雲南麗江府亦隸維西通判治即吐番舊民也有二種皆無姓氏近城及其宗喇普明木氏屠未盡者散處于麼些之間謂之麼些古宗奔子欄阿墩

子者謂之臭古宗語言雖同習俗性情迥殊麼些古宗大致同麼些惟婦髻瓣髮百股用五寸橫木于頂挽而束之耳環細小與麼些異臭古宗以土覆屋喜樓居近衢市者男則剃頭衣冠尙仍其舊僻遠者男披髮于肩冠以長毛羊皮染黃色爲檐頂綴紅線纓夏亦不改第其性皆強悍偏執而難制稍不如意則糾黨互鬥喇嘛排解之乃散其受治于流官俱執自明以來之舊規爲說流官至其地矯之微不近情輒鳴鼓聚衆執仗露刃而逐之官以不順激變皆隱忍不上聞益足以長其姦近更鴛鴦然順以撫之亦可

馴也

那馬

在雲南麗江府亦隸維西通判治本民家即僂人也浪滄弓籠皆有之地界蘭州民家流人已莫能考其時代亦多不能自記其姓氏麼些謂之那馬遂以那馬名之語言實與民家無異男女衣服之飾雜用古宗麼些之制而受制于麼些

巴苴

在雲南麗江府亦隸維西通判治一名西番亦無姓氏元世祖取滇渡自其宗隨從中流亡至此者

蠻部

卷五

十九

不知其爲蒙古何部落人也滄浪江內有之板屋棲
山與麼些雜居亦麼些頭目治之婚喪信佛與麼些
無異惟兄弟死嫂及弟婦歸于一人俗頗劣于麼些
粟粟 在雲南麗江府亦隸維西通判治近城四山康
普弓籠奔子欄皆有之性剛狠嗜殺然麼些頭目土
官能治之年奉頭目麥黍共五升新春必率而拜焉
粟粟種類在滇省各夷中爲最劣緡西者雜處于各
夷中而受制于麼些長猶較馴順

怒子

在雲南麗江府徼外居怒江內界連康普葉枝

蠻部

卷五

二十

阿墩之間迤南地名羅麥基接連緬甸素號野夷怒
子性怯而懦其道絕險而常苦粟粟之侵凌而不能
禦也雍正八年聞我

聖朝已建設維西相率到康普界貢黃蠟八十觔麻布十
五丈山驢皮十麂皮二十求納爲民永爲歲例

上許之犒以砂塩官嚴諭頭目俱約其粟粟邇年其人以
所產黃連入售內地夷人亦多負塩至其地交易人
敬禮而膳之不取值籐之出自入貢以來受約束知
法度省志乃謂其剛狠好殺過矣此夷人之六種也

狨葛

在雲南永昌府瀾滄江怒江之極北野人也黑

齒繡面以包穀爲食禾稻間有不服王化祝長腿者其首也偶野人渡江至保山縣境買牛還遇汎兵疑爲盜阻留盤詰即殺兵遁歸縣差追緝長腿挺身拒捕差復斃保令會同永昌鎮領兵八百往討分駐三

台山二別邏以聲討倡亂者自初夏進勦孟秋甫奏凱雖有斬獲而首惡祝長腿窾未成擒後用土官率土兵進始伏誅獲其首以獻初狨葛恃險負固並未與官軍一戰自祝長腿死始漸出就戮狨葛乃平事

蠻部

卷五

三十一

在乾隆庚申辛酉間

獠子

在廣東廉州府欽州巢居海曲每歲一移椎髻

鑿齒赤衲短褐專欲喫人高梁已下送葬皆打鼓舂堂吹笙箭用藥箭

俚人

在貴州鬱林縣今廣西潯州府貴縣古西甌駱

越所居漢谷永爲太守降烏潯人十萬于此又郡連山西有俚人皆以烏潯諸夷率同一姓男女同川而浴生首子即食之云宜弟居止接近葬同一墳謂之合骨非有戚屬大墓至百餘棺凡合管者則去婚異

六聘女既嫁便缺去前一齒異物志烏澣南蠻之別名巢居鼻飲無親戚重寶貨俚人滕氏有竹使銅虛符傳云漢朝所假至今存

獯人

今四川成都府簡州有獯人言語與夏人不同

嫁娶但鼓笛而已遭喪乃立竿懸布置其門庭殯于

他所至其體骸燥以木函盛置于山穴中李膺記云

此四郡獯也又有夷人與獯類又有獯人與獯夷亦

獯人

同但名字有異而已

獯人

在潭州今湖南長沙府其俗裸有夷人名獯自

蠻部

卷五

賓人

言先祖有功免徭役也

賓人

在四川綿州寰宇記按九州記州之賓人族人

皆夷也又有賓人勁勇銳而善舞故古有巴渝之舞

世號板楯蠻

族人

在四川綿州華陽國志秦昭襄王時白虎爲害

乃募能殺者時夷人胸臆廖仲藥秦精等伏弩于高

樓射殺之昭王曰虎歷四郡凡害千二百人一朝除

之功莫大焉乃刻石與盟曰秦犯夷輸黃龍一雙夷

犯秦秦輸清酒一斛九州記賓人族人皆夷也

臺人

在白州建寧縣今廣西鬱林州博白漢郊祀志

建寧縣有三種夷獠獠惟臺人稍類夏人

獠人

在廣西鬱林州博白縣獠人縵襠半股惟椎髻

異于諸夷

狩人

在廣西鬱林州博白縣狩人婦人偏袒皆露性

椎髻與諸夷異焉

高粱人

在廣東廉州府欽州不種田入海捕魚爲業

婚嫁不避同姓用臘月爲歲

開種人

在甘肅蘭州府狄道州古西羌地寰宇記西

蠻部

卷五

二十三

羌傳羌無弋爰劍曾孫忍及忍子开最豪健故羌中

號其後爲开種秦始皇時務並六國兵不西行改種

人得繁息及秦并天下築長城以界之衆羌不復南

渡至漢興匈奴冒頓兵強破東胡走月氏臣伏諸羌

景帝時开種留何率種人求守隴西塞于是徙留何

等于狄道安回城即今治

贛巨人

在廣東潮州府海陽縣鳳凰山一名翔鳳山

有鳳凰水昔有爰居來此集因名山多相思樹有神

形如人披髮逃走山海經南方有贛巨人人面長唇

黑身有毛反踵見人人笑亦笑笑則唇蔽其面即逃
郭景純云即臬陽蓋此也

囉哩戶

在甘肅秦州乃回回之別種也漢人不與通

婚姻自相嫁娶有以兄弟娶姊妹者有以姑姨配甥

侄者清水秦安等縣亦有之明秦襄毅公紘爲秦州

道時稍革其俗

蕃戶

在豐州今陝西榆林府葭州春秋時戎狄之國

蠻

戰國屬趙後漢羌胡擾亂城邑皆空唐貞觀四年突

厥降附乃于此分靈州之境置豐州都督府不領縣

蠻部

卷五

三十四

惟領蕃戶

蜑戶

在廣東廣州府新會縣爲縣所管生于江海居

于舟船隨潮往來捕魚爲業若居平陸死亡即多似

江東白水卽也

盧戶

在廣東廣州府新會縣海島中乘舟捕海族蜃

蠕蛤蜊爲業

大頭猓羅

在雲南元江州之新平臨安府之嶺峽西

縣境冷山曰魯魁界連楚雄極深峻約廣百餘里頂

有泉如十畝池大旱不竭繞山皆腴田夷人久踞

巢不納賦稅林深箐密路道旁襍其性兇悍善鎗弩時爲盜以布纏頭十餘層如栲栳土人呼爲大頭猓木谷羅向遇春冬則下至近山村落挨索保頭錢各戶派給之稍不遂即肆焚殺民苦其擾

國朝雍正中夷衆烏合破新平蹂閭閻劫倉庫取梨園行頭冠服鼓吹宴慶于城山之上復犯嶧峨遇大兵擒其魁進勦搜山無辜者仍發回安插惜未乘時盡遷之近雖漸被

王化而纏頭習技如故人仍呼之爲大頭裸羅云

蠻部

卷五

二十五

都老

在廣東廣州府通典五嶺之南人雜夷獠不知

教義以富爲雄鑄銅爲大鼓初成懸于庭中置酒以招同類又多構讐怨欲相攻擊則鳴此鼓到者如雲于鼓者號爲都老羣情推服本之舊事南越王尉佗于漢自稱蠻夷大長老故俚人呼其所尊者爲倒老語訛故又稱都老也

木客

在廣西平樂府平樂縣湘州記縣多曲竹有木

客形似小兒歌哭行坐衣服不異于人而能隱形山居崖窟至精巧時出市易作器人亦無別就人換借

皆有信義言語亦可解精別木理又江西吉安府泰和縣盧陵異物記有木客鳥大如鵲千百爲羣飛集有度不與衆鳥相厠俗云是木客化爲此鳥也

山都

在江西吉安府盧陵縣異物記盧陵太山之門

有山都人不知其流緒所出髮長五寸而不能結裸身見人便走避之種類疎少曠時一見然自有男女焉可長四五尺能嘯相呼常在幽昧之間亦鬼物也按異物類苑山都人面黑長身有尾踵見人則笑笑則上唇掩目按諸書言人都鳥都猪都皆不爾此乃

蠻部

卷五

二十六

誤以狒狒爲山都耳

赤蝦子

在廣東廣州府順德縣王漁洋池北偶談雙

槐歲鈔東粵順德縣有地曰壽星塘山水幽勝有物名赤蝦子如嬰兒而絕小白樹杪手相牽掛而下笑呼之聲亦如嬰兒續續垂下甫至地而滅俗謂蓬萊仙女遺類也諸臯記載昔有姚汪王三姓食都樹皮餓死化爲鳥都皮骨爲猪都婦女爲人都皆棲大樹即如人形而絕小男女自相配偶在樹根者名猪都在樹尾者名鳥都在樹尾可攀及者名人都左腋下

有鏡印濶二分其禁有山鵲法打土壟法食其巢味如木芝有術者周元大能禹步爲厲術以左合亦索圍木斫之樹仆剖其中三都皆不能化乃執而烹之周櫟園詩人都擁樹形同鳥是也又月山叢談載廣西思恩縣近村樹杪有二人約長一尺五寸武人裝束白竹纏芒屨其行如飛此當即赤蝦子之類蓋閩粵皆有之

庚定子

在明州鄞縣今浙江寧波府鄞縣東海上有野人名庚定子舊說昔從徐福入海逃避海濱亡匿

蠻部

卷五

二十七

姓名自號庚定土人謂之白水郎脂澤悉用魚膏衣服兼資絹布音訛亦謂之盧亭子也

狷狺狺不狼聚

在湖南辰州府西北四十里酉山

口其名皆犬屬蓋盤瓠子孫也

黃教喇嘛

在雲南麗江府維西治番僧也番謂僧爲

喇嘛分黃紅教維西皆有之紅教之類甚繁黃教止達賴喇嘛一種皆古宗出家者阿墩子之壽國寺楊入景寺奔子欄之東竹林千餘人皆是也不近色而貪財戒殺而食肉禮佛誦經其經譯以華語皆與中

土同惟無楞嚴經蓋佛產天竺即緬甸與土番界相傳達磨譯教于其地而佛教興至今已千六百餘年矣黃教喇嘛起最後潤袖長衣隆冬亦露兩股著古宗靴而不衣袴衣黃衣冠黃冠故謂之黃教初紅教強欺黃教第五世達賴喇嘛預識我

大清之必撫有中土也於

太宗文皇帝時取道蒙古入貢

盛京獲封號延至今黃教在維西者皆達賴喇嘛法子紅教喇嘛相傳有十三種雲南麗江府維西治惟格

蠻部

卷五

二六

馬一種格馬長五人謂之五寶輪廻生番地均十餘世不滅人稱活佛維西五寺紅教喇嘛八百人皆格馬四寶喇嘛之法子也衣罽及褐被袈裟常年不去亦不衣袴夏戴平頂竹笠跣足冬戴平頂猩紅毡帽四蓮瓣向上圍于四方著襪朱履者多衣冠皆紅故謂之紅教其食嗜利與黃教等經籍亦同惟所奉祖師護法異古宗奉黃教者多麼些則止奉紅教讎覺日深黃教多強紅教以達賴喇嘛故終莫如何然則其明時欺黃教非即前世因耶按謨勒孤喇嘛紅教

十三教之一也凡喇嘛禪學有得者死投胎復生皆不迷其前世夷人均稱爲活佛西藏謨勒孤喇嘛主死其徒卜其降生于維西之其宗乾隆八年喇嘛衆乃持其舊器訪之至其宗之日麼些頭人子名達機甫七歲指雞雛問母曰雛終將依母乎母曰雛終將離母也曰兒其雛乎有頃謂其父母曰西藏有至此迎小活佛喇嘛數十輩皆佛也曷歎留之父母以爲謬力言之其父出視而喇嘛數十輩不待延皆入達機迎見踟趺于地爲古宗語良久衆喇嘛奉所用鉢

變部

卷五

二十九

數珠手書心經一册各以相似者副之達機均得其舊器服珠持鉢展經大笑衆喇嘛免冠羅拜迎歸西藏善知識喇嘛格馬四寶喇嘛之高第弟子也其前世死之年無考乾隆己卯年生于六村麼些通事王永善家丁亥年四寶命喇嘛數人以金銀馬驢值七白金之物來永善家迎焉永善送入藏每程未至之先山川之狀善知識皆能先言之善知識非名其品第也以華言譯之也按喇嘛佛教輪迴轉世是爲理之所無而事之所有齊諧之外怪不勝誌雖非于衆

夷人之外別爲生育者而其怪也人也夷也故于蠻部後紀之

堪布喇嘛 廣法寺僧也本名雍中喇嘛寺舊隸大金川大金川原名促浸小金川原名償拉兩金川既平析促浸爲綴靖崇化二屯償拉爲懋功撫邊章谷三屯寺距崇化屯署三里久蕪廢乾隆四十一年重修

御書正教恒宣額賜今名

欽差堪布喇嘛主持西藏人例帶徒弟十六名俱黃帽黃馬褂西藏小喇嘛及土喇嘛俱披黃袈裟共百數十

蠻部

卷五

三十

人食

天糈有定額俗有黃紅教之分堪布爲黃教宗師番民信重每年正月十五十月十九兩日四方土司頭人等挈妻孥挾百姓以萬計赴寺誦經徼佛福進獻牛羊肉脯如山積酥油酪漿以斗量其土司頭人及妻女咸跪獻哈達三尺許長素帛也間有大喇嘛親手爲之持咒挽結套其頸而撫摩者殊自慶幸人皆羨之彼亦揚揚有喜色饋獻不留餘力此兩次大會日期各挑布札一次大憲爲之代 奏衣冠俱

賜自尙方故極其鄭重跳時人各左手執雜器右手執連
鬚腦骨一片共相舞蹈或龍頭虎額或長袖峩冠兼
飾枯體如人雜演其間鐘鼓嗶嗶屢舞僊僊聆耳眴
目擾擾竟日五十年各憲捐俸重修金碧璀璨彌復
壯觀懋功屯亦有喇嘛寺一所例挑雜谷膳番僧注
持三年一換俱 奏請

欽定勅名勝因寺屬廣法寺堪布喇嘛管轄

蠻部

卷五

三五

即自尙方故極其鄭重跳時人各左手執雜器

鬚腦骨一片共相舞蹈

或龍頭虎額或長袖峩冠兼

飾枯體如人雜演其間鐘鼓嗶嗶

屢舞僊僊聆耳眴目擾擾

竟日五十年各憲捐俸重修

金碧璀璨彌復壯觀懋功屯

亦有喇嘛寺一所例挑雜谷

膳番僧注持三年一換俱

奏請

欽定勅名勝因寺屬廣法寺

堪布喇嘛管轄

薄海番域錄

新疆一

山左武定邵大緯星巖氏述

哈密

在甘肅肅州西六十里嘉峪關外雪山之南自

關西行九十里至惠回堡驛又七十里至赤金湖驛

又四十里至赤金甲驛又九十里至玉門縣城綏逆

營驛赤金湖驛南二十里有赤金甲營至玉門縣一

百二十里自玉門縣西六十里至柳溝驛又七十里

至布隆吉驛又西九里至小灣驛偏西北行四十里

至雙塔堡自小灣驛至安西州七十里自雙塔堡至

新疆

卷六

安西州一百二十里又柳溝驛西偏北五十里有橋

灣營西至安西州二百里又布隆吉驛南九十里有

踏實堡北至安西州九十里自州北行九十里至白

墩子又北偏西八十里至紅柳園又北偏西七十里

至大泉又北偏西六十里至馬連井子又北偏西七

十里至星星峽又北偏西九十里至沙泉子又北八

十里至苦水又北一百四十里至格子烟墩中有天

生墩又北六十里至長流水又北七十里至黃蘆岡

又北九十里至哈密城此東路也又自安西州西行

六十里至瓜州營驛又西七十里至憇水井驛又西七十里至圪塔井驛又西七十里至燉煌縣中立沙州營縣北七十里設黃燉營自縣西行歷土窰子轉而北歷青墩碛博羅特古大泉苦水紅柳碛轉而東北歷哈什布拉仍至黃蘆岡入哈密此西路也人非常行哈密正東有蔡湖又東即塔爾納沁北數百里抵瓦刺以天山爲界大約自關西行十一二日即至其地古伊吾盧地唐爲伊州安史之亂盡沒吐番元封其孽忽納失里于此爲感武王前明會臣屬中夏

新疆

卷六

二

立赤金沙州衛哈密衛駐重鎮而哈密最西部落雜居有回回畏兀兒哈刺灰三種各立都督佐之旋不能守然其地故壘烽台遺蹟可尋

國朝歸入版圖商賈雲集百貨備俱儼然一大都會康熙時準噶爾犯之逾哈密而東犯黃蘆岡命將驅逐而逸雍正時

天兵西下額魯特鼠鼠棄巴里坤而逃軍需皆由哈密轉運乾隆十九年掃蕩伊犁諸軍皆出嘉峪關哈密爲糧餉總滙之區乞軍務告藏至今邊外各城歲須帑

項仍由哈密撥解運往建城一處四里有奇其西里餘即哈密回子之城其王曰伊薩克管下回子六城曰哈密曰素木哈爾灰曰阿思他納曰他哈奇曰拉珠楚克曰哈拉托巴皆伊薩克屬也傳其子無別色伯克管轄其地有天山行人過此必下馬拜馬鬣山有望鄉台李陵題字處合羅川唐回鶻公主所居基址尙存地無水多雪雪消乃得水其人寡弱不滿二千戶多貧苦言語與新疆回子不同衣相似但帽圓翅短耳夏熱冬寒產瓜葡萄北即巴里坤南即闐展

新疆

卷六

三

爲嘉峪關外第一門戶設鎮守辦事大臣一協辦大臣一

闐展

在甘肅肅州西六十里嘉峪關外雪山之南自

關西行一千四百九十里至哈密自哈密西行六十里至頭堡又六十里至三堡又偏南直西行七十里至鴨子泉又八十里至瞭墩又九十里至梧桐窩又七十里至三間房又一百二十里至十三間房又一百三十里至七克騰木中有苦水井又五十里至蘓魯圖又六十里至闐展城自梧桐窩以南皆戈壁吐

魯番所屬回城也溽暑非常而東北山有風洞故數
百里內多怪風或黑或黃嶽山飛石驢羊之類遇之
輒吹去無踪地當孔道東界哈密西至哈喇沙拉北
通烏魯木齊之齊克達巴爲南路衝途有城垣乃吐
魯番所屬雍正時額魯特騷擾其地其大頭目伊敏
和卓投誠歸化移其人衆于安西沙州以避之今燉
煌乾隆二十年後平定伊犁吐魯番回子仍歸故土
設整飭巴里坤分巡鎮迺糧務兵備道兼轄哈密關
展烏魯木齊木壘等處事務

新疆

卷六

四

吐魯番

在甘肅肅州西六十里嘉峪關外雪山之南

自關西行二千二百八十里至關展自關展西行六
十里至連木沁台又六十里至勝金台驛又九十里
至吐魯番羅卜諾爾在其南有路通之乃漢之車師
四面皆山相傳故唐交河縣治明永樂中入貢成化
中酋阿力寔強引兵攻哈密屢犯甘肅萬歷中又來
貢始甘肅無北寇專西防吐魯番最奸狡自阿力以
來皆挾哈密邀利隆慶後不復言哈密事吐魯番頗
息肩而北患日熾矣其俗候暖少雨雪宜麻麥產瓜

果羊馬多僧寺奉佛

國朝雍正時額魯特騷擾闢展其大頭目伊敏和卓著
有勞績封郡王駐闢展吐魯番乃其子公蘇拉滿之
所居也統轄回子六城皆蕪拉滿之阿爾巴爾世襲
土官人戶惟吐魯番最多然亦不過三千餘家耳按
吐魯番于順治十三年入貢康熙十二年國王瑪墨
忒塞伊忒韓復遣其臣兀魯和墜等獻馬其表畧云
吐魯番國某上言于乃聖乃仁天下治平

皇帝陛下恭惟

新疆

卷六

五

皇上一統攸同何異于古之占什特惠澤羣生相同乎昔
之達刺汗法紀軍威比隆于楷黑塞勞聰明格物媿
美乎伊思謙達爾

皇上睿知天錫如日升之無不照撥亂爲治如月恒之無
不臨旌旗閃爍超越乎墨烏咸耳

皇恩浩蕩出于度量寬仁

國祚無疆而萬國咸寧

洪福靡極而

皇圖應運後稱一千八十三年二月十八日又二十一年

上言伏以我

皇上猶昔者斯堪達爾之君一統金甌扎穆西特之君藻
鑒五行亦若化日普臨率土景星光照萬靈抑猶哈
他穆之君廣施恩惠汝思他穆之君勇力絕倫譬之
矛鋒之銳龍瓜之威莫敢正向而視云云明陳誠使
其國還言城北百里有靈山最大土人言此十萬羅
漢涅槃處也近山有高台入山二十里至一峽得石
屋供小佛像五前有池池東山石青黑遠望紛如毛
髮言此十萬羅漢洗頭剪髮處也緣峽東南行六七

新疆

卷六

六

里登高崖崖下小山巖巖白石成堆似玉輕脆不可
握堆中有若人骨狀者堅如石色澤明潤言此十萬
羅漢靈骨也又東下石崖崖上石筴如人手足稍南
至山坡坡石瑩潔言此辟支佛涅槃處也其國文字
有毛詩論語孝經子史集大葬經唐韻玉篇其人貌
似高麗瓣髮垂肩女子亦然其地夏日酷暑非常東
南一帶沙山絕無草木日光照射尤不可耐故俗呼
曰火燄山也冬日和暖無嚴寒大雪土產麥穀芝麻
其甜瓜西瓜並皆佳妙土田肥沃亦多棉豆然多貧

苦語言與回疆同子可通衣帽無異北里許多怪風
驢羊遇之輒吹去南皆戈壁即瀚海西南五百餘里
爲羅布淖爾即星宿海也自闐展西至和闐四五千
里之南自和闐南至後藏四千里之東皆星宿海
其統哈拉和卓回城即漢都護定遠侯班超屯劄之
所也其鄰爲火州柳陳黑婁設鎮守領隊大臣一

喀喇沙爾

在甘肅肅州西六十里嘉峪關外雪山之

南一作哈喇沙拉自關西行二千四百九十里至吐
魯番自吐魯番西行六十里至布幹台漫西南行五

新疆

卷六

七

十里至托克遜台西北行至朱爾土斯路乃由烏魯
木齊至阿克蘇之路自托克遜台西南行七十里至
蘇巴什台西南行一百三十里至庫木什哈傳台西
南行一百二十里至額爾克齊台西南行七十里至
烏沙克他爾台西行八十里至特伯爾古台西行七
十里至喀喇沙爾原係回城康熙時準噶爾吞併回
人逃亡死絕其地竟無人烟移霍碩特人來此游牧
乾隆二十年間大兵平定伊犁霍碩特多遭誅戮其
餘逃散地竟空虛創建一城東西南三門圍僅二里

牆亦卑薄三十五年後土爾扈特來歸始將其汗渥
巴錫部落霍碩特貝勒恭格部落安插于著勒土斯
令其資生並將噶子滿回子二百戶移歸庫爾勒回
城所有哈喇沙爾城垣左近一帶地方均給土爾扈
特和碩特人等游牧且教之耕種開都河兩岸及著
勒土斯牧場氈帳雲屯皆伊等居住也數年以來漸
知耕種之事然其人貧苦懶惰性刁野好偷竊搶奪
婦女尤無恥到處可以宣淫而針帶女工遠勝于回
婦也極貧之男婦子女多鬻于各城回子爲奴在往

新疆

卷六

八

盜馬偷衣不知所適馬湏爲酒謂之氣可牛乳爲酒
謂之阿拉占敬喇嘛與額魯特同著勒土斯圍踰千
里水草暢肥宜游牧牲畜設鎮守辦事大臣一

庫爾勒

在甘肅肅州西六十里嘉峪關外雪山之南

自關西行三千一百五十里至喀喇沙爾自喀喇沙
爾西南行一百里至哈爾哈阿滿台又南行六十里
至庫爾勒台同城也同子七百餘戶內多情蘭回人
地土遼濶開都大河之水瀼洄旋繞多魚多蘆雁蒲
鴨鷗鷺成行土產大米二麥集吉草可以爲飭葡萄

瓜果無不茂盛其人好訟不知禮法情蘭回子之風也

布古爾 在甘肅肅州西六十里嘉峪關外雪山之南
自關西行三千三百一十里至庫爾勒自庫爾勒西
南行七十里至哈拉布拉克台西行一百里至庫爾
莽台西行一百六十里至策達雅爾台西行六十里
至洋薩爾台西行一百里至布古爾台同城也經兵
燹逃亡無遺子回疆平定移情蘭回子居之蓋別種
也土產羊皮酥油槍狽獅銅城之南皆戈壁馬行三

新疆

卷六

九

四日山場豐美多野牲益南皆沮洳近星宿海矣蘆
葦湖灘綿邈無際爲西入回疆咽喉之路自葉爾羌
和闐喀什噶爾阿克燕沙雅爾來者雖由山徑荒灘
而行亦必由布古爾葦湖土橋過渡舍此別無路徑
也

庫車

在甘肅肅州西六十里嘉峪關外雪山之南自
關西行三千七百里至布古爾自布古爾西行一百
里至阿爾巴特台漫西北行一百四十里至托和奈
台西行六十里至庫車龜茲國故地也城矩方圍九

里有奇四門依山岡爲基牆皆高丈許柳條沙土密築而成地勢高望之巍然儼如金湯之聳峙也回子歲納糧爲官兵口糧納銅送烏什鑄錢納硝磺送伊犁備用幅幘寬廣地處衝途爲西入回疆之門戶也南數十里外皆戈壁馬行三日山場豐茂多野牲無人烟益南近星宿海矣庫車回人懦弱而偷安畏強梁不知恩義喜酣飲狂歌風俗質樸節儉庫車北至扣克納克即雪山奇寒大雪不可居處草肥回子皆來牧放西北山勢拗折石土夾立嶙峋峻峻爲西入

阿克蘇必由之路東至布古爾止出礪砂之山在城北山多石洞春夏秋河中皆火夜望如燈萬點人不可近冬日極寒大雪火息土人往取赤身而後可入礪砂皆產洞中如鍾乳形庫車少雨歲不過微雨一陣或竟無雨耕種皆資開渠灌溉城東托和柰泉水最肥近城皆北山之水分河三道西即渭干河回民熟于開渠引水之事城北二十里有小佛洞山石鑿穴繪佛城西六十里蘇巴什復有大佛洞其山前後上下鑿洞四五百處內皆五彩金粉繪西番佛其最

高一洞三楹壁鑿白衣大士之像漢楷輪迴經一轉
餘皆西番字跡不知誰氏之爲城東南十里破牆一
投長五里餘雖係土城而修築高厚堅實堞雉猶存
非同城也土人傳爲漢時屯兵之所然無可考庫車
原係回疆大城回户三萬家經霍集占之亂且連遭
凶荒死于饑饉兵火幾無遺孑所餘僅千户耳

大兵平定庫車之時城內惟遺羊七隻牛三頭乾隆二十
三年以來休養生息家給人足迄今最貧苦之小回
子亦有牛羊馬匹出有衣家有食吉凶皆足以成禮

新疆

卷六

十一

設鎮守辦事大臣一鎮守帮辦大臣一
沙雅爾 在甘肅肅州西六十里嘉峪關外雪山之南

自關西行四千里至庫車自庫車西南行一百六十
里至沙雅爾回子小城也城緊依渭干河圍牆傾圮
一荒涼村堡耳回户七百餘家歲納糧銅硝磺地土
下濕炎熱宜于梗稻諸果皆佳而梨尤甘鬆可食西
南山中林木蘆葦千里無際產狝狝狐狸多虎近
城多葦湖以故夏多蚊如塵如霧至日夕尤甚回子
皆以布爲帳幔晡時男婦子女皆入布帳中避之滿

城牲畜咆哮身血津津然二更後始漸寧帖其人樸野誠實然亦好訟婦女好顏色多有美麗者風俗與庫車相似

賽哩木

在甘肅肅州西六十里嘉峪關外雪山之南

自關西行四千里至庫車自庫車偏西北行一百六十里至河色爾台又西行四十里至賽哩木乾隆二十三年

天兵至庫車賽哩木回子首先迎降當大道之衝出寶沙可以攻玉但在雪山之麓氣極寒八九月間木葉盡

新疆

卷六

十二

脫開有柰杏交冬須聚土埋藏不然來春枯矣霜早惟二麥豌豆甜瓜葡萄有收餘皆不堪多種產銅硝風俗誠實敦厚無回子惡劣之習喜暢飲酣歌與庫車回子同

拜城

在甘肅肅州西六十里嘉峪關外雪山之南自

關西行四千二百里至賽哩木西行八十里即拜城城最小回戶四五百家糧果產者甚稀路當孔道其人多烏什回衆爲霍集占所惡逐之拜城

阿克蕪

在甘肅肅州西六十里嘉峪關外雪山之南

自關西行四千二百八十里至拜城自拜城西行九
十里至鄂依斯唐可齊克台西行八十里至察爾齊
克台西行一百二十里至哈拉玉爾滾台西行八十
里至札木台又西行八十里至阿克蘓一大回城也
有二萬餘戶其人誠樸無華然亦好訟易惑亂回子
之陋習也人多技藝善攻玉製器精巧繡鹿茸爲韃
田土寬廣芝麻二麥穀豆棉花果菜之品充園塞圃
酒肆茶坊鱗集街市每八棚爾期會也市集商販摩肩
喧填竟日產梨最佳歲充土貢地居衝要爲西至各

新疆

卷六

一 回城北往伊犁四達必由之孔道設鎮守辦事大臣

烏什

在甘肅肅州西六十里嘉峪關外雪山之南自

關西行四千七百三十里至阿克蘓自阿克蘓西行
八十里至察爾拉克台又西行八十里至阿察他克
台又西八十里至烏什西即喀什噶爾此路並未安
設軍台東南去庫車千里本係回城回人謂之土爾
番華言都會也城依南山諸峯環抱大河縈繞其北
入戶本兩三萬家準噶爾時最爲表著其阿奇木伯

克霍集斯乃準噶爾汗達瓦齊之所立也

天兵入伊犁達瓦齊父子逃至烏什霍集斯擒獻中國以
功封王爵乃屢經叛亂回民誅戮盡淨其錢名普爾
每文重一錢二分每百謂之一騰格回子私用每五
十爲一騰格抵銀一兩官設爐鼓鑄乾隆通寶普爾
俱用紅銅其規模與內地制錢同哈喇沙拉普爾與
制錢通用以西大小回城回子及兵民皆用普爾內
地制錢不行哈喇沙爾以東則無普爾矣幅幘遼濶
北界冰山即穆肅爾冰達巴山伊犁烏什之交其山

新疆

卷六

十四

皆冰色白望如銀南北兩路之衝衢相傳須持斧鋤
斫鑿成窩容足然後能過其西山望之如深青冰色
黑其上不可往來烏什皆平川沃野山場林木草湖
茂密皆布魯特人戶游牧東至庫車西連葉爾羌烏
什之城名永寧地方空濶杳無人烟惟綠營屯兵耕
其荒廢之地嗣于阿克蘇葉爾羌和闐英吉沙爾賽
哩木拜城等回城派撥回子七百餘戶移駐烏什種
地納糧數年以來屋宇田園漸盛矣設鎮守辦事大

臣一

葉爾羌

在甘肅肅州西六十里嘉峪關外雪山之南

烏什之西自關西行四千七百三十里至阿克蘓自
阿克蘓南行八十里至渾巴什台又南行六十里至
洋阿里克台又漫東南行一百里至都齊特台又漫
東南行六十里至伊拉堵台南行五十里至烏土斯
克滿台轉而西南行六十里至衝阿拉克台西南行
七十里至庫庫車兒台西南行八十里至巴爾楚克
台西南行一百里至折克得里克托海台直西行七
十里至塞爾吉努斯台西行七十里至畢薩克抵台

新疆

卷六

十五

西行六十里至阿克薩克馮拉爾台西行八十里至
阿郎格爾台西行九十里至邁那特台西行一百二
十里至賴里克台西行九十里至愛吉特虎台西行
七十里至葉爾羌回疆一大城也回子呼爲葉爾奇
木乃霍集占祖孫父子巢穴居室壯麗綠琉璃瓦覆
之今爲糧餉局園亭亦敞濶華麗今修爲辦事大臣
衙署矣城池堅固圍十餘里幅員寬敞田土壯平東
界烏什西界援達克山南控和闐北隣喀什噶爾西
南一帶均與外藩連邊所屬十城曰葉爾羌曰哈拉

噶爾里克曰托古斯堪曰三珠曰契藩曰塔克曰克
可牙爾玉拉里克曰火沙喇可曰巴爾楚克最遠一
城在葉爾羌西馬行十日界乎拔達克山之間者曰
賽古羅十城俱有伯克惟葉爾羌人戶獨多不下七
八萬家九城各千戶上下耳或曰葉爾羌古罽賓之
國或曰大食月支之地迄今皆同子聚居矣葉爾羌
與外藩連界邊外各國均來貿易衣冠詭譎形狀怪
異之人奇珍異寶之物往往有之中原江浙之人不
辭險遠各攜貨賈購覓寶玉葉爾羌回民最巧而性

新疆

卷六

十六

怯懦惟大伯克之言是遵不敢少有忤慢俗尙冥會
婦人多長于歌舞尤重百戲索銅爲繩架高八九尺
一丈有奇回婦艷粧應鼓之節于繩上步履往來又
以回童數人飾以鮮衣花帽使之筋斗回旋盤舞頗
亦可觀羊之爲物最蠢而無識者回人以木三投圓
頭細頸各高徑尺層層疊疊弄羊羔使之上于木頂
又以高三三尺者易之謂之羊上樹地產熊猴回人皆
弄之以爲戲而舞丸轉盤之戲亦不一而足又風俗
淫佚喜男色有闔廣之風回童少聰俊輒不得免然

亦修飾妖媚與人燕好往往情密至長大而不能絕
交豪強土霸日增其富小回子少有積畜皆爲咀嚼
而去以故人戶不能殷實多缺衣食之人葉爾羌河
中產玉大者如盆如斗小者如拳如栗有重三百六
七十觔者各色不同白如雪青如翠黃如蠟赤如丹
黑如墨皆上品一種羊脂硃斑碧如波斯菜而金片
透洒者尤難得其河底大小石錯落平鋪玉子雜生
其間採取之法遠岸官一員守之近河岸營官一員
守之派熟鍊之回子或三十爲一行或二十爲一行

新疆

卷六

十七

截河並肩赤腳踏石而步遇有玉回人即腳踏知之
鞠躬拾取岸上營官擊鑼一棒官則過硃一點回子
出水按硃點索其石子去葉爾羌二百三十里有山
曰密爾岱達巴諸峯高峻遍山皆玉有青黃赤白黑
之不同然石夾玉玉夾石甚多至純玉無瑕溫潤而
大至千萬觔者則有絕高山峯之肋其上人不能置
足土產犛牛慣能登陟回子挾其乘牛而上鎚鑿在
其自落而取之謂之礫子石亦曰山石每歲春秋二
季葉爾羌土貢玉自七千至萬觔不等至葉爾河和

闐之玉隴哈什河哈琅圭塔克河所產玉子無一定之類盡數交納皆由台運送京師私玉之禁甚嚴密爾岱達巴之西復有冰山一處勢益險爲葉爾羌痕都斯坦往來必由之孔道更有雪山在焉其上冰雪自古積滿其上冰雪之水自山陽上下春夏湧流散趨于南路各城以資耕種諸水皆聚于羅布淖爾即星宿海也設鎮守辦事大臣一鎮守協辦大臣一

和闐

在甘肅肅州西六十里嘉峪關外雪山之南自關西行六千零三十里至葉爾羌自葉爾羌南行七

新疆

卷六

十八

十里至坡斯坎台轉而東行一百二十里至洛伙克涼噶爾台東行一百六十里至咽噶台東行一百二十里至滾得里克台東行一百里至扁爾滿台東行一百五十里至哈拉哈什台又東行六十里至和闐又自庫車之南一百六十里至沙雅爾又南直行數百里至克里雅轉而西行經車兒至和闐回疆一大城也又南行二十日即後藏西界崇山峻嶺與外藩道路不通東皆瀚海沮洳益東即星宿海矣地處荒隅簡僻不隣大路所屬回城六處曰和闐曰玉隴哈

什曰哈拉曰齊喇曰克里雅曰他赫卜伊和闐其總名也沃野千里回户三四萬家玉隴哈什河哈琅圭塔克河皆有玉子多于葉爾羌河所產石榴木瓜蘋果桃杏烏梅紅李櫻桃紅棗之屬所在成林而甜瓜葡萄尤多以葡萄釀酒家有蓄藏其人誠樸敦實盡力根本無游惰浮華之習男力稼穡女勤蠶織有和闐紬絹繭雀塔爾布纏密光實非別城所有也或曰和闐即古于闐也回子呼漢人爲赫探漢任尙都護西域以後亂遺其人衆于西和闐回子皆其遺種故

新疆

卷六

十九

回子呼之曰赫探城和闐即赫探之訛音也然皆無可考據矣按于闐舊志在沙州西南三千七百里葱嶺之北二百里今甘肅安西州燉煌縣即沙州也于闐東西五千里南北千里葱嶺以南撒馬兒汗最大以北于闐最大于闐有河北流與葱嶺河合東注蒲昌海名鹽澤南出積石爲河源者也按阿耨達山在于闐南據漢書河源出焉河一名首跋河亦名樹跋河或云即黃河也北流七百里入戍水一名計首水即與葱嶺南河同入鹽澤或言阿耨達山即崑崙山

是也其西水皆西流注西海國人每歲取玉于河曰
撈玉夜視月光盛處索美玉必得焉河分爲三有白
玉綠玉烏玉之別又有地名哈寶地金銀所出土宜
五穀桑麻釀葡萄爲酒木爲筆玉爲卽善鑄銅器工
紡織好歌舞事佛神有比摩寺曰老子成道之所初
老子至此白日昇天與羣胡辭訣言我暫游天上等
當下生其後出天竺國化爲胡王太子自稱曰佛因
立此焉自高昌以西國人深目高鼻惟于闐貌似華
人稍知禮節相見歌舞得問遺書戴于首乃敬之由

新彊

卷六

二十

漢以來中國詔書符節世傳相授以王爲氏至唐姓
尉遲石晉時李聖天自稱唐宗通貢宋封砮鱗黑韓
王砮鱗者金翅鳥黑韓蓋可汗之訛云明永樂六年
其王打魯哇亦不刺遣滿刺哈撒木丁貢玉璞十二
年陳誠至其國見偪隣境頗羸弱人民僅萬計避居
山谷間永樂後西戎修貢不敢相攻始獲行賈諸番
國更饒富始于闐貢使每來必挾一鐙視之鐵也云
其來道流沁踰三月程無薪獨挈水行投鐙中卽沸
故寶之設鎮守首領辦事領隊大臣一鎮守協辦大

臣一

英吉沙爾 在甘肅肅州西六十里嘉峪關外雪山之

南自關西行六千零三十里至葉爾羌自葉爾羌北

行七十里至喀拉布拉克台轉而東北行一百四十

里至河色爾察木籠台又東北行五十里至托布拉

克台又北行七十里至英吉沙爾西即拔達克山界

國朝設鎮守領隊大臣一員至

喀什噶爾 在甘肅肅州西六十里嘉峪關外雪山之

南自關西行六千三百六十里至英吉沙爾自英吉

新疆

卷六

二十一

沙爾東北行八十里至庫森他斯渾台又北行九十

里至喀什噶爾正東即烏什此路並未安設軍台又

因自喀什噶爾由牌素巴特至阿克蘊捷徑東南行至

巴爾楚克台即阿克蘊至葉爾羌驛路回疆一大城

也西域最爲表著爲西陲極邊要害之區回丁布魯

特耦耕雜處西北一帶雪山環抱過山皆外藩之布

魯特游牧正西布魯特之外即安集延土宇曠達與

英吉邊外各國犬牙相錯中外貿易人等日相逐于道路

歲貢盪紬緞金銀絲紬緞布石榴木瓜膏蘋果葡萄

乾之類金貨流轉水草甘肥牲畜繁息人戶殷實九城種地納糧之回子三萬六千餘戶其餘貿易回子伯克家屬阿渾毛喇海蘭達爾人等又不下二萬餘戶城內紛華靡麗多妓女嫺歌舞殷實之戶亦頗畜之織成金銀絲氈五色絨氈鏤金攻玉鑿銅鑲嵌無不精巧回子靴帽回婦束髮之怡齊巴克皆出其地商賈雲集八棚爾街長數里屋宇牆垣修整富饒殷實之地也俗尙宴會人皆知禮法循循然敬中國之長官不似阿克蕪以東之回子悍然村野而已設鎮

新疆

卷六

二十二

守叅贊大臣一鎮守協辦大臣總兵官一

按喀什噶爾之南二百餘里曰英阿雜爾回城也爲外藩各國東入回疆必由之孔道最爲緊要之區田土豐美產穀豆瓜果黑礬又喀什噶爾西北二百里爲塔什伯里克回城人戶係回子出其境即布魯特之地故官設四品阿奇木伯克以散秩大臣布魯特比阿齊穆充之其布魯特十九受曼村落也皆散布于喀什噶爾葉爾羌烏什之間分有地界游牧資生塔什伯里克回子亦歸其管轄即征討霍集占時阿齊

穆打仗有功賞給之地也土產二麥糜子而已喀什噶爾東北相距八十里爲阿拉圖什回城土田肥厚寬廣果木繁茂城池下濕產大麥葡萄桑石榴木瓜桃棗瓜麥之屬喀什噶爾東十里爲別什克里木回城地既相近風物土產約畧相同喀什噶爾西北一百三十里爲玉素納爾土什回城臨近雪山氣候冬寒土產麥糜桃杏桑瓜而喀什噶爾西北一百八十里爲握帕爾回城與布魯特地界相連其山嶺皆布魯特游牧喀什噶爾東北一百九十里爲阿爾古回

新疆

卷六

二十三

城緊依雪山多雪雜雪連雪蟾雪蛆同子不知取用惟取雪雞以充食而已東北而去四日可至伊犁但春秋冬雪深盈尺夏伏或可行走然亦無人往來地寒土產麥糜葡萄桑杏桃瓜雪山內外皆布魯特種人與回子雜處益西北布魯特尤衆人戶數十萬家巴里坤在甘肅肅州西六十里嘉峪關外雪山之北即今鎮西府自關西行一千四百九十里至哈密自哈密北至南山口一百二十里出德勝關漫東北行六十里至松樹塘又漫東北行八十里至奎素又漫

東北行至石人子腰站折而西行共七十里至巴里坤城由巴里坤西行九十里至望山驛偏東西南行歷賴溝溝至哈密南路之瞭墩以至關展又自望山驛偏西西南行歷陶賴泉梧桐窩于塩池至哈密南路之七克騰木以至關展巴里坤本準噶爾故地也南界哈密北套歸化城西通烏魯木齊進可以攻退可以防爲南北適中緊要之區乾隆三十七年設鎮西府府西八站建城一處曰古城駐防携眷滿兵以聯絡各城之勢西即奇台通判四十年改設奇

新疆

卷六

二十四

台縣地寒五穀不熟惟種青稞數年以來寒暄漸易可種二麥穀糜矣土產野姓白蘇姑多松氣候極寒多大雪惟五六月間無霜雪設鎮守領隊大臣一整飭巴里坤分巡鎮地糧務兼轄哈密關展烏魯木齊木壘等處事務兵備道一鎮守巴里坤總兵官一

古城

在甘肅肅州西六十里嘉峪關外雪山之北自關西行一千四百九十里至哈密折而北而西三百三十里至巴里坤而古城在府屬奇台縣之北偏西九十里烏魯木齊巴里坤交界至奇台縣有兩路一

自巴里坤北偏西北行九十里至蘓吉台又西九十
里至肋巴泉台又西六十里至烏兔水台又西九十
里至噶順台又西六十里至色必口台又西四十里
至大石頭台又西三十里至戈壁沿台又西九十里
至三個泉台又西九十里至木壘河台又西七十里
至奇台縣一自巴里坤西行九十里至望山驛又西
九十里至肋泉驛又西六十里至湧泉驛又西九十
里至巨溝驛又西六十里至盤安腰站又西四十里
至盤安驛又西二十里至三泉腰站又西九十里至
三泉驛又西九十里至白水驛又西七十里至奇台
縣而木壘在奇台之南九十里即東吉爾僑泰又由
木壘至東吉爾僑泰由奇台至古城共計程二百三
十里古城駐防携眷滿兵以聯絡各城之勢設鎮守
領隊大臣一

烏魯木齊

在甘肅肅州西六十里嘉峪關外雪山之

北即今迪化州自關外二千五百二十里至奇台縣
自奇台縣屏營驛西行六十七里至浮遠驛又西九
十里至濟木薩保會驛又西七十里至三台驛又西

八十里至柏楊驛中有紫泥泉子又西九十里至阜康縣康樂驛又西南行七十里至黑溝驛又西六十里至烏魯木齊又在吐魯番之正北自雪山之南吐魯番西北行由陽和驛四十里至蘆溝驛又北九十里至通津驛又北八十里至山陽驛又北六十里至達板腰站又北七十里至望敦驛又北九十里至蓋池驛又北七十里至烏魯木齊亦準噶爾故地也額魯特強盛時多在此游牧今俱勦滅其地上宇曠平多林木煤鐵之利水甘草肥宜滋牧放而沃野千里

新疆

卷六

二十六

堪資兵衆屯田自設警寧城以來商賈雲集優伶歌童技藝之輩趨利若鶩嘉峪關外繁華昌盛者此地爲最且當孔道扼伊犁門戶咽喉之要路紅山嘴上有一廟一楹紅土聖壁故俗呼曰紅廟兒今設迪化直隸州所屬阜康昌吉兩縣城西沙岡產煤東西即博克達達巴嘉峪關西最大而著三峯孤聳冰雪晶瑩望之琉璃挿天虧蔽日月靈跡最著俗呼爲靈山山頂有池寬廣宏深中有龍藏雲氣起則雨雪隨之其下百里泥淖不可登涉諸峯蜿蜒至紅山嘴止中斷

三里餘忽起高峯即福壽山也兩山斷處即塢納斯大河之水涵湧奔流經新城之東舊城之西向東南流赴齊克達巴而去新城距舊城八里城東二十里有溫泉福壽山夏多雨而熱多毒蟲蛇益西北皆平野膏田曰胡圖壁曰土克里克曰瑪納斯皆屯田之處山南一百八十里爲松山皆合抱老松多野牲雉肥如蠟土產阿魏壓油鳥取松皮爲膏能已沉寒癆蠱之疾設鎮守都統一鎮守領隊大臣一提督日肅安西等處地節制各鎮總兵官駐烏魯木齊

新疆

卷六

二十七

庫爾喀拉烏蘓

在甘肅肅州西六十里嘉峪關外雪

山之北自關外三千零四十七里至烏魯木齊自烏魯木齊鞏寧驛漫西南行七十里至昌吉縣寧遠驛又西七十里至景化驛即呼圖壁又西六十里至樂土驛又西七十五里至綏來縣靖遠驛即瑪納斯也又西八十里至烏蘭烏蘓台又西七十里至安集海台又西七十里至奎屯台又西五十里至庫爾喀拉烏蘓設鎮守領隊大臣一

伊犁

在甘肅肅州西六十里嘉峪關外雪山之北自

關外三千五百九十二里至庫爾喀拉烏蘇自庫爾
喀拉烏蘇西行六十里至布爾噶齊台又西六十里
至墩穆達台又西五十五里至古爾圖台又西五十
里至托多克台又西一百二十五里至精河又漫西
南行六十里至托里台又西南七十里至托和木圖
台又西南行九十里至胡索圖布拉克台中分烏魯
木齊伊犁交界又西七十五里至鄂爾哲土博木台
又西六十里至塔爾巴哈大博爾奇爾台又西五十
里至塔爾奇阿滿台又西六十里至伊犁又自雪山
之南阿克蘇北行八十里至札木台又北八十里至
阿爾巴特台又西北行八十里至良噶爾台又西北
八十里至圖巴拉克台又漫東北行七十里至胡期
圖托海台又東北七十里至他木哈他什台又西北
行一百二十里至噶克察哈爾海台又西北八十里
至沙土阿滿台又西北八十里至特克斯台又西北
一百里至和納海台又西北九十里至博爾台又西
北七十里至索古爾台又西北九十里至海努克台
又北五十里至巴圖孟可台又北六十里至伊犁正

西即哈薩克界其西南即布魯特本準噶爾故地也
爲其汗王巢穴乾隆十九年阿睦爾薩納與準噶爾
汗達瓦齊不和率其部落棄塔爾巴哈台款關內附
上受其降命將征討平定伊犁達瓦齊就擒準噶爾境土
盡入版圖築城一處十八里有奇曰惠遠城

特簡將軍駐劄統轄南北兩路滿漢索倫西斐察哈爾額
魯特回子兵衆分布城外伊犁南有巨澤曰賽里木
淖爾其神青羊大角多鬚見則雨雹其北爲哈布塔
海山溫泉出焉浴之已寒濕疾又北他爾奇城烏哈

新疆

卷六

二十九

爾里克城屯田所也阿拉瑪圖山泉水南流爲烏哈
拉里克水環城西北來開渠引之入城城無井官兵
賴之南流入于伊犁河又北爲他爾奇山多果木伊
犁之東一百八十里曰哈什山峯嶺高峻廻環數百
里其上多銀下多野獸爲將軍圍場有哈什回子之
城惠遠城東北四百餘里曰博羅他拉川駐防察哈
爾兵伊犁東五十五里曰巴彥岱今爲惠寧城駐滿
兵惠遠城東十五里有培塿爲控俄爾鄂羅山其下
多煤其陰多鐵惠寧城東十五里曰回爾扎回子城

回子耕種伊犁東北爲穆懷圖多土蛇見馬則其頭
入土筆立馬腹膨然不能行馬倒則入其鼻而監其
腦伊犁北庫車托木山產元獺歲人貢東北濟喇噶
朗山庫色木什密山多熊且有蘋杏山木藥草惠遠
城南多雉兔伊犁河迅溜急湍然可通舟楫多白魚
鯊魚水獺自哈什丕爾沁山河並山泉之水滙爲伊
犁大河西北流過七百里入沙而伏伊犁河南川平
而潤有八堡地曰綽霍爾曰巴圖蒙可曰沙而托海
曰可特曼曰霍集格爾曰巴克其地皆深林豐草多

新疆

卷六

狼野羊有葦湖多黃羊野豕又南八十里爲察布察
爾山高峯插雲多松柏又南二百里爲特可斯河寬
迅多激浪渡以舟冬煖西流入布魯特界伊犁南四
百里地爲穆肅爾達巴山千峯萬仞皆冰厚八十里
有鳥遺卵冰上極寒則卵裂而鳥飛其山神乃白鷹
蒼狐也山之南之東多松柏油草爲官畜牧放之地
惠遠城西皆平原曰賀勒果斯川四百里曰齊七罕
川駝防索倫眷兵達呼里兵北爲圖里根山博羅霍
濟格爾山路通哈薩克之界又西北六百里爲阿拉

坦鄂木爾山其南爲控鄂爾鄂倫山皆哈薩克之界
油草最益于牧畜而阿拉坦鄂木爾多金處處禾稼
暢茂享昇平之樂云惠遠城東南五百里爲著勒土
斯山與哈喇沙拉連界多油草額魯特土兵二千游
牧其地城西南七百餘里曰他木哈山其西皆布魯
特地界設鎮守將軍一鎮守領隊大臣五鎮守叅贊
大臣一鎮守總兵官一

塔爾巴哈台

在甘肅肅州西六十里嘉峪關外雪山
之北自關外三千五百九十二里至庫爾喀拉烏蘇

新疆

卷六

三十一

自庫爾喀拉烏蘇北行九十里至庫爾河台又北九

塔爾

十里至沙拉烏蘇台又西北行七十里至鄂倫布拉

克台又西北八十里至烏爾圖布拉克台又西北七

十里至雅瑪圖台又西九十里至沙拉活洛素台又

西北七十里至色特爾莫多台又北七十里至塔爾

巴哈台城又自烏魯木齊伊犁交界胡索圖布拉克

台東北行亦至塔爾巴哈台此路並未安設軍台亦

準噶爾故地也其種人曰打什達瓦亦額魯特之裔

其地本名雅爾又曰楚呼楚即阿睦爾薩納當年游

牧之地乾隆二十年後準噶爾破滅阿睦爾薩納伏
誅因而其地空虛土宇寬廣地居巖疆南至伊犁入
站以沁達蘭爲界北至哈薩克七日以玉兒淖爾爲
界西至哈薩克三日以賽得爾莫多爲界東至哈爾
哈六站以庫爾哈達烏蕪爲界北去俄羅斯不滿五
百里兩地之卡倫相望爲北副緊要之區伊犁屏藩
之地有烏鳥毛類雜大者筋許肥鮮通日棲止皆于
樹杪俗呼爲樹雞老鴉正綠似鸚鵡之翼多翡翠俗
取以飾扇額米爾河洶湧浩瀚中多鱖魚鯊鱒水獺

新疆

卷六

三十三

各山皆產兔鹿麀野雞肥大羣飛多熊其毛蒼黃
多四不像數百爲羣按塔爾巴哈台舊在東南四站
屯劄與北路之精河相對因多大雪深至丈餘有毒
蛇人飲其泉往往感拘攣痠癢疰之疾且多白蠅爲
害嘗觸人畜眼角輒遺蛆而去非膠粘之不出以故
移駐楚呼楚改名塔爾巴哈台然奇寒大雪地處偏
隅非四達必由之路哈薩克額魯特之外商賈不通
人跡罕到突一荒涼地界而已設鎮守叅贊大臣一

鎮守領隊大臣一

歸化城

在京師西北自京師出德勝門二十里至清

河又四十里至昌平州又三十五里至南口度居庸關中有彈琴峽四十五里出關入平地名全道又二十五里至榆林驛又二十里至懷來衛又三十里至土木堡土木距京二百里即明帝蒙塵處又四千里至保安城又四十里過雞鳴驛至上花園爲遼蕭后種花處上花園山路陡絕出此二十里地漸平又二十里至宣府自宣鎮西陽和保起至大同了角山六百四十餘里漢代郡雁門地也由此七百餘里抵延

新疆

卷六

三十三

綏鎮又五百九十里至寧夏爲漢北郡地迤南至固原甘肅二鎮即漢安定張掖酒泉地自宣府迤東至遼鎮一千餘里即秦遼東遼西二郡地皆號沿邊扼要歷代防守今悉屬內地自宣府西北行五十二里至下堡地又八里至張家口兩山對峙中設一關環山爲城澗水自塞外入口名曰定邊河接燕築長城自造陽至襄平造陽在上谷界今張家口一帶是也自口行五十里至察汗托諾亥大壩猶華言白頭嶺也山下有河一道有蒙古沿岸穹廬以居此中有皇

莊與旗莊同蒙古雜處自此皆向西行五十里至博爾哈斯泰猶華言柳條溝也又六十里至哈喇郎又八十里至佐漢郭兒又八十里至他喇布納有古堆上有二石柱鐫蒙古朱字或云界石也又五十里入山至呼盧蘓泰猶華言葦子溝也又五十里至阿托和又五十里至三小溪又二十里至葉不孫郭兒地稍平衍清水流土人云心肺二山相連有九十九泉池按史元太宗嘗避暑于此又三十里踰峻嶺羊腸一道又五十里出山至昌阿兒托諾又六十里至

新疆

卷六

三十四

察莫都又十五里至歸化城周圍可二里惟倉庫及副都統署瓦屋餘寥寥土屋數間而已城中有甸城碑記乃延祐七年庚申十一月日建裕齋後人李文煥撰書城南有關夫子廟留帝志二冊欲使遠人知忠義也城南負郭有黑河青塚古蹟塚前有石虎雙列白石獅子僅存其一光瑩精工必中國所製以賜明妃者也綠琉璃瓦礫狼籍似享殿遺址惜無片碣可考石礎有蒙古字譯之是喇嘛所作非古也其俗敬信喇嘛而可否性命有少年顯者四人呼爲呼圖

克圖尊之若神明親之若考妣至梵宇之壯麗牛羊
之供奉其餘事也按歸化城乃元之豐州設知州並
倅官而轄于大同總管今設蒙古都統一員副都統
一員管所部八千人乃扼要之地一統志王昭君墓
在豐州西三十里地多白草此塚獨青故名青塚城
西九里入祁連山有土城廢址疑即碑所云匈奴城者
也遠望石峯疊翠入其中則平阜蜿蜒相傳元世帝
后俱潛厝此山而不立陵墓

新疆

卷六

三五

08765

